

## БЕШИНЧИ БЎЛИМ

ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРИНИНГ  
БУЙРУҒИ

### **210** Ўзбекистон Республикаси фуқароларини Тошкент шаҳри ва Тошкент вилоятида доимий прописка қилиш тартиби тўғрисидаги йўриқномани тасдиқлаш ҳақида

*Ўзбекистон Республикаси Адлия вазирлиги томонидан 2012 йил  
4 майда рўйхатдан ўтказилди, рўйхат рақами 2358*

*(2012 йил 14 майдан кучга киради)*

«Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонунига (Ўзбекистон Республикаси қонун ҳужжатлари тўплами, 2011 йил, 37-сон, 375-модда) ва Ўзбекистон Республикаси Вазирлар Маҳкамасининг 2012 йил 16 февралдаги 41-сон «Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонунини амалга ошириш чора-тадбирлари ҳақида»ги қарорига (Ўзбекистон Республикаси қонун ҳужжатлари тўплами, 2012 йил, 16-сон, 179-модда) мувофиқ **бюро-ман:**

1. Ўзбекистон Республикаси фуқароларини Тошкент шаҳри ва Тошкент вилоятида доимий прописка қилиш тартиби тўғрисидаги йўриқнома иловага мувофиқ тасдиқлансин.

2. Мазкур буйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Вазир**

**Б. МАТЛЮБОВ**

Тошкент ш.,  
2012 йил 1 май,  
71-сон

Ўзбекистон Республикаси  
ички ишлар вазирининг 2012 йил  
1 майдаги 71-сон буйруғига  
ИЛОВА

**Ўзбекистон Республикаси фуқароларини  
Тошкент шаҳри ва Тошкент вилоятида доимий прописка  
қилиш тартиби тўғрисидаги  
ЙЎРИҚНОМА**

**I боб. Умумий қоидалар**

1. Мазкур Йўриқнома «Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонунига (Ўзбекистон Республикаси қонун ҳужжатлари тўплами, 2011 й., 37-сон, 375-модда) (кейинги ўринларда Қонун деб юритилади) ва Ўзбекистон Республикаси Вазирлар Маҳкамасининг 2012 йил 16 февралдаги 41-сон «Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонунини амалга ошириш чора-тадбирлари ҳақида»ги қарорига (Ўзбекистон Республикаси қонун ҳужжатлари тўплами, 2012 йил, 16-сон, 179-модда) (кейинги ўринларда Қарор деб юритилади) мувофиқ Ўзбекистон Республикаси фуқароларини (кейинги ўринларда фуқаролар деб юритилади) Тошкент шаҳри ва Тошкент вилоятида доимий прописка қилиш тартибини белгилаб беради.

2. Доимий прописка қилиш ички ишлар органлари (кейинги ўринларда ИИО деб юритилади) томонидан амалга оширилади ҳамда жамоат хавфсизлигини таъминлаш ва ҳуқуқбузарликнинг олдини олиш, шунингдек аҳоли миграциясини ҳисобга олиш мақсадида фуқаронинг Тошкент шаҳри ва Тошкент вилояти ҳудудининг муайян жойида яшаши фактини аниқлашни назарда тутати.

**II боб. Фуқароларни Тошкент шаҳри ва Тошкент  
вилоятида доимий прописка қилиш**

3. Фуқароларни доимий прописка қилиш Қонун билан тасдиқланган Рўйхатга (кейинги ўринларда Рўйхат деб юритилади) ҳамда Қарорга мувофиқ амалга оширилади.

Рўйхатда назарда тутилмаган шахслар тоифаси Тошкент шаҳрида ва Тошкент вилоятида доимий прописка қилинмайди.

Муқаддам Тошкент шаҳри ва Тошкент вилояти ҳокимликлари ҳузуридаги махсус комиссиялар томонидан берилган рухсатномалар асосида 2012 йил 15 мартга қадар уй-жой олган, бироқ турли сабабларга кўра

прописка қилинмаган фуқаролар Рўйхатнинг 1-бандига асосан доимий прописка қилинади.

4. Қонун кучга киргунга қадар, яъни 2011 йил 15 сентябргача олди-сотди, ҳадя, айирбошлаш шартномалари асосида, қонун ҳужжатларига мувофиқ мерос ва хусусийлаштириш асосида, суд қарорига кўра, шунингдек мазкур Йўриқномага мувофиқ уй-жой олган фуқаролар Рўйхатнинг 1-бандига асосан прописка қилинади.

Мазкур банднинг биринчи хатбошисида кўрсатилган фуқаролар Тошкент шаҳри ёки Тошкент вилояти туман (шаҳар) ички ишлар бошқармаси (бўлими)нинг (кейинги ўринларда ТШИИБ деб юритилади) хорижга чиқиш-келиш ва фуқароликни расмийлаштириш бўлимига (кейинги ўринларда ХЧКваФРБ деб юритилади) қуйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;

Ўзбекистон Республикаси фуқароси паспорти (кейинги ўринларда паспорт деб юритилади);

контракт бўйича ҳарбий хизматчининг ёки Ўзбекистон Республикаси Қуролли Кучлари офицерининг шахсий гувоҳномаси (казармалар, кораблар ва кемалардан ташқарида яшайдиган ҳарбий хизматчилар учун);

турар жой учун ҳужжатларнинг нотариал тасдиқланган нусхалари;

давлат божи тўланганлиги тўғрисидаги қвитанция.

Рўйхатнинг 1-банди асосида Тошкент шаҳри ва Тошкент вилоятида доимий прописка қилинган фуқароларнинг қариндошлари Рўйхатнинг 2 — 5-бандлари асосида прописка қилинади.

5. Рўйхатнинг 2-бандига мувофиқ қариндошлар — ўзларининг тўғри шажара бўйича биринчи ва иккинчи даражадаги қариндошлари доимий прописка қилинган уй-жой майдонига прописка қилинади.

Тўғри шажара бўйича биринчи ва иккинчи даражадаги қариндошлар, яъни ота-она фарзандларининг, фарзандлар ота-оналарининг, бобо ва бувилар невараларининг, неваралар бобо ва бувиларининг уй-жой майдонига прописка қилинади.

Мазкур банднинг иккинчи хатбошисида кўрсатилган фуқаролар Тошкент шаҳри ёки Тошкент вилояти ТШИИБ ХЧКваФРБга қуйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;

паспорт;

контракт бўйича ҳарбий хизматчининг ёки Ўзбекистон Республикаси Қуролли Кучлари офицерининг шахсий гувоҳномаси (казармалар, кораблар ва кемалардан ташқарида яшайдиган ҳарбий хизматчилар учун);

турар жой учун ҳужжатларнинг нотариал тасдиқланган нусхалари;

уй-жой мулкдорининг (мулкдорларининг) турар жой майдони бериши тўғрисида нотариал тасдиқланган аризаси (розилиги);

никоҳ тузилганлиги ҳақида гувоҳноманинг ёки фарзанднинг туғилганлиги тўғрисида гувоҳноманинг нотариал тасдиқланган нусхалари;

давлат божи тўланганлиги тўғрисидаги қвитанция.

Вояга етмаган шахснинг хусусий мулки бўлган уй-жой майдонига унинг қариндошларини доимий прописка қилиш унинг ота-онасининг ёки васийнинг (ҳомийнинг) нотариал тасдиқланган розилиги асосида ҳал этилади.

6. Рўйхатнинг 3-бандига мувофиқ васийлик ва ҳомийликдаги шахслар — васий (ҳомий) доимий прописка қилинган уй-жой майдонига доимий прописка қилинади.

Васийлик ва ҳомийликдаги шахснинг васийси (ҳомийси) бўлган фуқаро Тошкент шаҳри ёки Тошкент вилояти ТШИИБ ХЧКваФРБга қуйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;

паспорт;

турар жой учун ҳужжатларнинг нотариал тасдиқланган нусхалари;

уй-жой мулкдорининг (мулкдорларининг) турар жой майдони бериши тўғрисидаги нотариал тасдиқланган аризаси (розилиги);

васийликдаги (ҳомийликдаги) фуқаронинг туғилганлик тўғрисидаги гувоҳномаси, шунингдек васийлик (ҳомийлик)ни тасдиқловчи ҳужжатнинг нотариал тасдиқланган нусхалари;

давлат божи тўланганлиги тўғрисидаги қвитанция.

Вазирлар Маҳкамасининг 1999 йил 12 апрелдаги 171-сон қарори билан тасдиқланган Ўзбекистон Республикасида васийлик ва ҳомийлик тўғрисидаги низомга (Ўзбекистон Республикасининг Хукумати қарорлари тўплами, 1999 йил, 4-сон, 18-модда) мувофиқ васийлик ва ҳомийлик туман ёки шаҳар ҳокимининг қарори билан белгиланади. Васийлик ва ҳомийлик васий ёки ҳомий тайинланишга мухтож бўлган шахс яшаётган жойда, агар шахснинг муайян яшаш жойи бўлмаса, васий ёки ҳомий яшаётган жойда белгиланади.

Ўзбекистон Республикаси Фуқаролик кодексига (Ўзбекистон Республикаси Олий Мажлисининг Ахборотномаси, 1996 й., 2-сонга илова) мувофиқ васийлик ўн тўрт ёшга тўлмаган вояга етмаганларга ҳамда суд томонидан муомалага лаёқатсиз деб топилган фуқароларга белгиланади.

Ҳомийлик ўн тўрт ёшдан ўн саккиз ёшгача бўлган вояга етмаганларга ҳамда суд томонидан муомала лаёқати чекланган деб топилган фуқароларга белгиланади.

Қонунга мувофиқ Тошкент шаҳри ва Тошкент вилоятида доимий прописка қилинган васийликдаги (ҳомийликдаги) фуқароларнинг қариндошлари Тошкент шаҳри ва Тошкент вилоятида доимий прописка қилинмайди.

Васийликдаги (ҳомийликдаги) фуқаролар Ўзбекистон Республикасининг бошқа минтақасида истиқомат қиладиган фуқаролар билан никоҳдан ўтган ҳолларда, ушбу фуқароларнинг Тошкент шаҳри ва Тошкент вилоятида доимий прописка қилиниши Рўйхатнинг 5-бандига мувофиқ ҳал этилади.

7. Рўйхатнинг 4-бандига мувофиқ ота-онаси бўлмаган вояга етмаган туғилган ака-ука ва опа-сингиллар, шунингдек меҳнатга қобилиятсиз бўлган ҳамда ўз оиласи (эри (хотини) ва фарзандлари) бўлмаган вояга етган туғилган ака-ука ва опа-сингиллар — ўзларининг туғилган ака-ука ёки опа-сингиллари доимий прописка қилинган уй-жой майдонига прописка қилинади.

Мазкур банднинг биринчи хатбошисида кўрсатилган фуқаролар Тошкент шаҳри ёки Тошкент вилояти ТШИБ ХЧҚвФРБга қуйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;  
паспорт;

контракт бўйича ҳарбий хизматчининг ёки Ўзбекистон Республикаси Қуролли Кучлари офицерининг шахсий гувоҳномаси (казармалар, корабллар ва кемалардан ташқарида яшайдиган ҳарбий хизматчилар учун);

турар жой учун ҳужжатларнинг нотариал тасдиқланган нусхалари;

уй-жой мулкдорининг (мулкдорларининг) турар жой майдони бериши тўғрисида нотариал тасдиқланган аризаси (розилиги);

туғилганлик тўғрисидаги гувоҳномаларнинг нотариал тасдиқланган нусхалари;

ота-онасининг ўлими ҳақидаги гувоҳнома ёки ота-онасини ўлган деб эълон қилиш ҳақидаги суднинг ҳал қилув қарори нусхаси;

меҳнатга қобилиятсиз бўлган ҳамда ўз оиласи (эри (хотини) ва фарзандлари) бўлмаган вояга етган туғилган ака-ука ва опа-сингиллар — охириги яшаш жойидан оилавий аҳволи тўғрисида ФХДЁ органининг маълумотномаси;

васийлик (ҳомийлик)ни тасдиқловчи ҳужжатнинг нотариал тасдиқланган нусхаси;

давлат божи тўланганлиги тўғрисидаги квитанция.

Қуйидаги вояга етган фуқаролар меҳнатга қобилиятсиз деб ҳисобланади:

болалиқдан ногиронлар;

олтмиш ёшга тўлган эркаклар ва эллик беш ёшга тўлган аёллар;

белгиланган тартибда биринчи ва иккинчи гуруҳ ногирони деб топилган фуқаролар. Ушбу фуқаролар томонидан тиббий меҳнат эксперт комиссияси берган маълумотнома тақдим этилади.

Фуқаролардан мазкур Йўриқноманинг 2-иловасига мувофиқ шаклда унинг оиласи (эри (хотини), ота-онаси, шунингдек фарзандлари йўқлиги тўғрисида) тилхат олинади.

8. Рўйхатнинг 5-бандига мувофиқ эр (хотин) — хотини (эри) доимий прописка қилинган уй-жой майдонига, башарти камида бир йил биргаликда яшаётган бўлса, доимий прописка қилинади.

Мазкур банднинг биринчи хатбошисида кўрсатилган фуқаролар Тошкент шаҳри ёки Тошкент вилояти ТШИБ ХЧҚвФРБга қуйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;  
паспорт;

контракт бўйича ҳарбий хизматчининг ёки Ўзбекистон Республикаси Қуролли Кучлари офицерининг шахсий гувоҳномаси (казармалар, корабллар ва кемалардан ташқарида яшайдиган ҳарбий хизматчилар учун);

турар жой учун ҳужжатларнинг нотариал тасдиқланган нусхалари;

уй-жой мулкдорининг (мулкдорларининг) турар жой майдони бериши тўғрисида нотариал тасдиқланган аризаси (розилиги);

никоҳ тузилганлиги ҳақида гувоҳноманинг ёки фарзанднинг туғилганлиги тўғрисида гувоҳноманинг нотариал тасдиқланган нусхалари;

эр-хотиннинг ҳақиқатда бирга яшаётган жойи бўйича фуқароларнинг ўзини ўзи бошқариш органи раиси (оқсоқоли) томонидан ва ИИО профилактика инспектори томонидан имзоланган эр-хотиннинг камида бир йил биргаликда яшаётганлиги тўғрисида мазкур Йўриқноманинг 3-иловасига мувофиқ маълумотнома;

давлат божи тўланганлиги тўғрисидаги квитанция.

Никоҳи хорижий давлатда қайд этилган фуқаролар Консул томонидан ҳужжатларни қонунлаштириш тўғрисида йўриқнома (рўйхат рақами 313, 1997 йил 12 март) (Ўзбекистон Республикаси вазирликлари, давлат қўмиталари ва идораларининг меъёрий ҳужжатлари ахборотномаси, 1997 й., 5 (11)-сон) талаблари асосида қонунлаштирилган ёки Хорижий расмий ҳужжатларни легаллаштириш талабини бекор қилувчи Конвенция (Гаага, 1961 йил 5 октябрь) талабларига мувофиқ апостиль белгиси қўйилган никоҳ тузилганлиги тўғрисида гувоҳномани тақдим этади.

«Фуқаролик, оилавий ва жиной ишлар бўйича ҳуқуқий ёрдам ва ҳуқуқий муносабатлар тўғрисида»ги Конвенцияга (1993 йил 22 январь, Минск) аъзо-давлатларда никоҳи қайд этилган фуқаролар томонидан ушбу давлатлар қонунчилиги талаблари асосида тасдиқланган никоҳ тузилганлиги тўғрисида гувоҳнома тақдим этилиши мумкин.

Ўзбекистон Республикаси билан расмий ҳужжатларни легаллаштириш талабини бекор қилувчи икки томонлама халқаро шартнома тузилган давлатлар ҳудудида никоҳи қайд этилган фуқаролар томонидан тақдим этиладиган никоҳ тузилганлиги тўғрисидаги гувоҳномага консуллик қонунлаштирилиши ёки апостиль белгисини қўйиш талаб этилмайди.

9. Рўйхатнинг 6-бандига мувофиқ Тошкент шаҳрида доимий пропискага эга бўлган фуқаролар — улар Тошкент шаҳри ёки Тошкент вилоятида бошқа манзил бўйича доимий прописка қилиниш масаласи юзасидан муурожаат этган тақдирда, доимий прописка қилинади.

Мазкур банднинг биринчи хатбошисида кўрсатилган фуқаролар Тошкент шаҳри ёки Тошкент вилояти ТШИИБ ХЧКваФРБга қуйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;

паспорт;

контракт бўйича ҳарбий хизматчининг ёки Ўзбекистон Республикаси Қуролли Кучлари офицерининг шахсий гувоҳномаси (казармалар, корабллар ва кемалардан ташқарида яшайдиган ҳарбий хизматчилар учун);

турар жой учун ҳужжатларнинг нусхалари;

уй-жой мулкдорининг (мулкдорларининг) турар жой майдони бериши тўғрисида аризаси (розилиги);

никоҳ тузилганлиги ҳақида гувоҳноманинг ёки фарзанднинг туғилганлиги тўғрисида гувоҳноманинг, шунингдек васийлик (ҳомийлик)ни тасдиқловчи ҳужжатларнинг нусхалари;

давлат божи тўланганлиги тўғрисидаги квитанция.

10. Рўйхатнинг 7-бандига мувофиқ Тошкент вилоятида доимий пропискага эга бўлган фуқаролар — улар Тошкент вилоятида бошқа манзил бўйича доимий прописка қилиниш масаласи юзасидан мурожаат этган тақдирда, доимий прописка қилинади.

Мазкур банднинг биринчи хатбошисига кўрсатилган фуқаролар Тошкент вилояти ТШИИБ ХЧКваФРБга қуйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;  
паспорт;

контракт бўйича ҳарбий хизматчининг ёки Ўзбекистон Республикаси Куролли Кучлари офицерининг шахсий гувоҳномаси (казармалар, корабллар ва кемалардан ташқарида яшайдиган ҳарбий хизматчилар учун);

турар жой учун ҳужжатларнинг нусхалари;

уй-жой мулкдорининг (мулкдорларининг) турар жой майдони бериши тўғрисида аризаси (розилиги);

никоҳ тузилганлиги ҳақида гувоҳноманинг ёки фарзанднинг туғилганлиги тўғрисида гувоҳноманинг, шунингдек васийлик (ҳомийлик)ни тасдиқловчи ҳужжатларнинг нусхалари;

давлат божи тўланганлиги тўғрисидаги квитанция.

11. Рўйхатнинг 8-бандига мувофиқ илгари Тошкент шаҳри ва Тошкент вилоятида доимий прописка қилинган фуқаролар — ўқишни, ишни, узоқ муддатли хизмат сафарини тугатганидан, шунингдек озодликдан маҳрум этиш муассасаларидан озод этилганидан кейин доимий яшаш учун тегишинча Тошкент шаҳрига ва Тошкент вилоятига қайтиб келганида, доимий прописка қилинади.

Мазкур банднинг биринчи хатбошисига кўрсатилган фуқаролар Тошкент шаҳри ёки Тошкент вилояти ТШИИБ ХЧКваФРБга қуйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;  
паспорт;

озодликдан маҳрум этиш муассасасидан озод қилинганлиги тўғрисида маълумотнома;

контракт бўйича ҳарбий хизматчининг ёки Ўзбекистон Республикаси Куролли Кучлари офицерининг шахсий гувоҳномаси (казармалар, корабллар ва кемалардан ташқарида яшайдиган ҳарбий хизматчилар учун);

турар жой учун ҳужжатларнинг нотариал тасдиқланган нусхалари;

уй-жой мулкдорининг (мулкдорларининг) турар жой майдони бериши тўғрисида нотариал тасдиқланган аризаси (розилиги);

никоҳ тузилганлиги ҳақида гувоҳноманинг ёки фарзанднинг туғилганлиги тўғрисида гувоҳноманинг, шунингдек васийлик (ҳомийлик)ни тасдиқловчи ҳужжатларнинг нотариал тасдиқланган нусхалари;

ишга, узоқ муддатли хизмат сафарига юбориш тўғрисидаги ҳужжатларнинг кадрлар бўлими томонидан тасдиқланган нусхалари, дипломнинг нотариал тасдиқланган нусхаси, шунингдек ўқишни кўчирганда ёки ўқишдан четлаштирилганда, бу ҳақда ўқув муассасасининг маълумотномаси;

давлат божи тўланганлиги тўғрисидаги квитанция.

12. Рўйхатнинг 8-бандига кирадиган фуқаролар Тошкент шаҳри ёки Тошкент вилоятида турар жойга, доимий пропискага эга бўлмаган ҳолда ИИО томонидан расмий алоқа йўллари орқали тегишли давлат нотариал идорасига юбориладиган мазкур Йўриқноманинг 4-иловасига мувофиқ шаклдаги доимий прописка қилиш ҳуқуқи тўғрисидаги маълумотнома асосида турар жой сотиб олиш ҳуқуқига эга.

Бу ҳақда мазкур Йўриқноманинг 5-иловасига мувофиқ шаклда ариза берувчига маълум қилинади.

Рўйхатнинг 8-бандига кирадиган фуқаролар турар жой сотиб олгандан кейин ТШИИБ ХЧКваФРБга мазкур Йўриқноманинг 11-бандида кўрсатилган ҳужжатларни тақдим этади, бундан уй-жой мулкдорининг (мулкдорларининг) турар жой майдони бериши тўғрисида нотариал тасдиқланган аризаси (розилиги) мустасно.

13. Рўйхатнинг 9-бандига мувофиқ Ўзбекистон Республикаси Олий Мажлисининг палаталари, Ўзбекистон Республикаси Президенти, Ўзбекистон Республикаси Вазирлар Маҳкамаси томонидан ёхуд Ўзбекистон Республикаси Президенти билан келишилган ҳодалавозимларга сайланган, тайинланган, тасдиқланган фуқаролар, шунингдек уларнинг оила аъзолари (эри, хотини, шунингдек уларнинг ўз оиласи бўлмаган фарзандлари) — мазкур фуқаролар лавозимда турадиган даврга доимий прописка қилинади.

Мазкур банднинг биринчи хатбошисида кўрсатилган фуқаролар Тошкент шаҳри ёки Тошкент вилояти ТШИИБ ХЧКваФРБга қуйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;  
паспорт;

контракт бўйича ҳарбий хизматчининг ёки Ўзбекистон Республикаси Қуролли Кучлари офицерининг шахсий гувоҳномаси (казармалар, корабллар ва кемалардан ташқарида яшайдиган ҳарбий хизматчилар учун);

турар жой учун ҳужжатларнинг нотариал тасдиқланган нусхалари;

уй-жой мулкдорининг (мулкдорларининг) турар жой майдони бериши тўғрисида нотариал тасдиқланган аризаси (розилиги);

никоҳ тузилганлиги ҳақида гувоҳноманинг ёки фарзанднинг туғилганлиги тўғрисида гувоҳноманинг, шунингдек васийлик (ҳомийлик)ни тасдиқловчи ҳужжатларнинг нотариал тасдиқланган нусхалари;

Ўзбекистон Республикаси Олий Мажлисининг палаталари, Ўзбекистон Республикаси Президенти, Ўзбекистон Республикаси Вазирлар Маҳкамаси томонидан ёхуд Ўзбекистон Республикаси Президенти билан келишилган ҳолда лавозимларга сайлаш, тайинлаш, тасдиқлаш тўғрисидаги ҳужжатларнинг кадрлар бўлими томонидан тасдиқланган нусхалари;

давлат божи тўланганлиги тўғрисидаги квитанция.

14. Рўйхатнинг 10-бандига кўра қонун ҳужжатларига мувофиқ давлат ҳокимиятининг вакиллик органларига сайланган фуқаролар, шунингдек уларнинг оила аъзолари (эри, хотини, шунингдек уларнинг ўз оиласи бўлмаган



фарзандлари) — мазкур фуқаролар лавозимда турадиган даврга доимий прописка қилинади.

Мазкур банднинг биринчи хатбошисида кўрсатилган фуқаролар Тошкент шаҳри ёки Тошкент вилояти ТШИИБ ХЧКваФРБга қўйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;

паспорт;

турар жой учун ҳужжатларнинг нотариал тасдиқланган нусхалари;

уй-жой мулкдорининг (мулкдорларининг) турар жой майдони бериши тўғрисида нотариал тасдиқланган аризаси (розилиги);

никоҳ тузилганлиги ҳақида гувоҳноманинг ёки фарзанд туғилганлиги тўғрисида гувоҳноманинг, шунингдек васийлик (ҳомийлик)ни тасдиқловчи ҳужжатларнинг нотариал тасдиқланган нусхалари;

давлат ҳокимиятининг вакиллик органларига сайланганлик тўғрисида ҳужжатларнинг кадрлар бўлими томонидан тасдиқланган нусхалари;

давлат божи тўланганлиги тўғрисидаги қвитанция.

15. Рўйхатнинг 11-бандига мувофиқ давлат ҳокимияти органларига, давлат ва хўжалик бошқаруви органларига, республика аҳамиятига молик бошқа давлат ташкилотларига ишга таклиф этилаётган юқори малакали мутахассислар, тор ихтисосликдаги мутахассислар тегишли орган ёки ташкилот раҳбарининг илтимосномасига кўра, шунингдек уларнинг оила аъзолари (эри, хотини, шунингдек уларнинг ўз оиласи бўлмаган фарзандлари) — мазкур фуқаролар лавозимда турадиган даврга доимий прописка қилинади.

Мазкур банднинг биринчи хатбошисида кўрсатилган фуқаролар Тошкент шаҳри ёки Тошкент вилояти ТШИИБ ХЧКваФРБга қўйидаги ҳужжатларни тақдим этади:

мазкур Йўриқноманинг 1-иловасига мувофиқ ариза;

паспорт;

контракт бўйича ҳарбий хизматчининг ёки Ўзбекистон Республикаси Куролли Кучлари офицерининг шахсий гувоҳномаси (казармалар, кораблар ва кемалардан ташқарида яшайдиган ҳарбий хизматчилар учун);

турар жой учун ҳужжатларнинг нотариал тасдиқланган нусхалари;

уй-жой мулкдорининг (мулкдорларининг) турар жой майдони бериши тўғрисида нотариал тасдиқланган аризаси (розилиги);

никоҳ тузилганлиги ҳақида гувоҳноманинг ёки фарзанднинг туғилганлиги тўғрисида гувоҳноманинг, шунингдек васийлик (ҳомийлик)ни тасдиқловчи ҳужжатларнинг нотариал тасдиқланган нусхалари;

давлат ҳокимияти органи, давлат ва хўжалик бошқаруви органи, республика аҳамиятига молик бошқа давлат ташкилоти раҳбарининг мазкур Йўриқноманинг 6-иловасига мувофиқ шаклда ишга таклиф этилаётган фуқаронинг (юқори малакали мутахассис ёки тор ихтисосликдаги мутахассис) ишончлилиги кафолати билан биргаликда илтимосномаси, шунингдек лавозимга тайинлаш тўғрисида буйруқдан кўчирма. Бунда мазкур Йўриқнома мақсадлари учун республика аҳамиятига молик давлат ташкилотлари деганда уларни ташкил этиш, қайта ташкил этиш ва тугатиш масалалари қонун

хужжатлари, Ўзбекистон Республикаси Президентининг ва Ўзбекистон Республикаси Вазирлар Маҳкамасининг хужжатлари билан тартибга солинадиган давлат ташкилотлари тушунилади;

давлат божи тўланганлиги тўғрисидаги квитанция.

16. Рўйхатнинг 12-бандига мувофиқ Ўзбекистон Республикаси Президентининг 2007 йил 14 сентябрдаги ПҚ–694-сонли қарори билан тасдиқланган Ўзбекистон Республикаси Қуролли Кучларининг ҳарбий хизматчиларини уй-жой билан таъминлаш тартиби тўғрисидаги низомга мувофиқ уй-жой билан таъминланган ҳарбий хизматчилар, шунингдек уларнинг оила аъзолари (эри, хотини, шунингдек уларнинг ўз оиласи бўлмаган фарзандлари) доимий прописка қилинади.

Юқорида кўрсатилган фуқаролар Тошкент шаҳри ва Тошкент вилояти ТШИИБ ХЧҚваФРБга қуйидаги хужжатларни тақдим этади:

мазкур Йўриқноманинг 1-иловасига мувофиқ ариза;

паспорт;

контракт бўйича ҳарбий хизматчининг ёки Ўзбекистон Республикаси Қуролли Кучлари офицерининг шахсий гувоҳномаси (казармалар, корабллар ва кемалардан ташқарида яшайдиган ҳарбий хизматчилар учун);

турар жой учун хужжатларнинг нотариал тасдиқланган нусхалари;

уй-жой мулкдорининг (мулкдорларининг) турар жой майдони бериши тўғрисида нотариал тасдиқланган аризаси (розилиги);

никоҳ тузилганлиги ҳақида гувоҳноманинг ёки фарзанд туғилганлиги тўғрисида гувоҳноманинг, шунингдек васийлик (ҳомийлик)ни тасдиқловчи хужжатларнинг нотариал тасдиқланган нусхалари;

Ўзбекистон Республикаси Президентининг 2007 йил 14 сентябрдаги ПҚ–694-сон қарори билан тасдиқланган Ўзбекистон Республикаси Қуролли Кучлари ҳарбий хизматчиларини турар жой билан таъминлаш тартиби тўғрисидаги низомга мувофиқ ҳарбий хизматчи хизмат қилаётган жойдан берилган турар жой олинганлиги тўғрисидаги маълумотнома;

давлат божи тўланганлиги тўғрисидаги квитанция.

17. Мазкур Йўриқноманинг 11-банди ўнинчи хатбошисида (дипломнинг нотариал тасдиқланган нусхасидан ташқари), 13-банди тўққизинчи хатбошисида, 14-банди саккизинчи хатбошисида ва 15-бандининг тўққизинчи хатбошисида назарда тутилган хужжатлар органлар ёки ташкилотларнинг кадрлар хизмати томонидан расмий алоқа йўллари (почта ёки фельдъегерлик хизмати) орқали фуқаронинг вақтинча (ёки режалаштирилаётган) яшаш жойи бўйича ТШИИБ ХЧҚваФРБга юборилади. Хужжатларни ариза берувчининг ўзидан ёки бошқа шахслардан қабул қилиб олиш тақиқланади.

18. Давлат ҳокимияти органлари, давлат ва хўжалик бошқаруви органлари, республика аҳамиятига молик бошқа давлат ташкилотлари раҳбарлари илтимосномаси асосида Тошкент шаҳри ёки Тошкент вилоятида пропискага эга бўлган фуқаро ишдан озод қилинган, бошқа ишга ўтган ёки пенсияга чиққан тақдирда, қарор қабул қилингандан кейин икки кун муддатда фуқа-

ронинг охирги доимий пропискадан ўтган жойдаги ТШИИБ ХЧКваФРБга хабар берилади.

19. Давлат ҳокимияти органлари, давлат ва хўжалик бошқаруви органлари, республика аҳамиятига молик бошқа давлат ташкилотлари раҳбарлари билдиришномаси асосида ТШИИБ ХЧКваФРБ, агар ушбу фуқарода доимий прописка учун бошқа асослар мавжуд бўлмаса, фуқарони белгиланган тартибда Тошкент шаҳри ва Тошкент вилоятдан илгариги яшаш жойига ёки фуқаронинг аризасига кўра бошқа минтақага пропискадан чиқаради. Фуқаро Тошкент шаҳри ва Тошкент вилоятдан пропискадан чиқишдан бош тортган тақдирда доимий прописка мазкур Йўриқноманинг 7-иловасига мувофиқ ТШИИБ бошлиғи томонидан тасдиқланган хулоса асосида бекор қилинади.

20. Рўйхатнинг 3, 5, 9 — 12-бандларига мувофиқ Тошкент шаҳри ва Тошкент вилоятида доимий прописка қилинган фуқароларнинг қариндошлари Тошкент шаҳри ва Тошкент вилоятида доимий прописка қилинмайди.

21. Тошкент шаҳрида олди-сотди битимларини, айирбошлаш, рента, умрбод таъминлаш шарти билан ўзгага бериш ва ҳадя қилишни нотариал тасдиқлаш ва давлат рўйхатидан ўтказиш қўйидаги ҳолларда амалга оширилади, агар сотиб олувчи томон:

Тошкент шаҳрида доимий пропискага эга бўлса;

Тошкент шаҳри ҳудудида камида уч йил доимий яшаб турган (лавозимда бўлган), Рўйхатнинг 2, 5, 9 — 11-бандларига мувофиқ Тошкент шаҳрида доимий прописка қилинган жисмоний шахс ҳисобланса ва ИИОнинг доимий пропискаси борлиги тўғрисидаги маълумотномасини тақдим этса.

22. Тошкент вилоятида олди-сотди битимларини, айирбошлаш, рента, умрбод таъминлаш шарти билан ўзгага бериш ва ҳадя қилишни нотариал тасдиқлаш ва давлат рўйхатидан ўтказиш қўйидаги ҳолларда амалга оширилади, агар сотиб олувчи томон:

Тошкент шаҳрида ёки Тошкент вилоятида доимий пропискага эга бўлган бўлса;

Тошкент шаҳри ёки Тошкент вилояти ҳудудида камида уч йил доимий яшаб турган (лавозимда бўлган), Рўйхатнинг 2, 5, 9 — 11-бандларига мувофиқ Тошкент шаҳрида ёки Тошкент вилоятида доимий прописка қилинган жисмоний шахс ҳисобланса ва ИИОнинг доимий пропискаси борлиги тўғрисидаги маълумотномасини тақдим этса.

23. ИИОдан доимий прописка борлиги тўғрисидаги маълумотнома олиш учун фуқаро охирги яшаш жойидаги ТШИИБ ХЧКваФРБга ёзма ариза билан мурожаат қилади. ТШИИБ ХЧКваФРБ уч кунлик муддатда тегишли маълумотномани беради.

24. Рўйхатнинг 5, 9, 10 ва 11-бандларига мувофиқ Тошкент шаҳри ёки Тошкент вилоятида доимий прописка қилинган фуқаролар доимий прописка қилинган кундан бошлаб уч йил ўтгандан кейин турар жой сотиб олган тақдирда, улар ва улар билан бирга Рўйхатнинг 5, 9, 10 ва 11-бандларига мувофиқ Тошкент шаҳри ёки Тошкент вилоятида доимий прописка қилинган фуқаролар ушбу турар жойга Рўйхатнинг 1-банди бўйича доимий прописка қилинади.

25. Барча зарур ҳужжатлар тақдим этилгандан кейин ТШИИБ

ХЧКваФРБ томонидан уч иш куни мобайнида тақдим этилган ҳужжатларнинг тўлиқлиги ва ҳақиқийлиги текширилади ҳамда фуқаро Рўйхатда назарда тутилган шахслар тоифасига мувофиқ бўлган тақдирда унинг паспортига штамп қўйиш ва гербли муҳр билан тасдиқлаш орқали доимий прописка расмийлаштирилади.

ТШИИБ ХЧКваФРБ раҳбари ёки унинг ўринбосари ўз резолюциясида ариза берувчини Рўйхатнинг қайси бандига асосан доимий пропискага қўйиш зарурлигини ёки рад жавоби бериш сабабини кўрсатади.

26. Бир вақтнинг ўзида прописка штамп санаси кўрсатилган ҳолда уй дафтарига ёки хонадон карточкасига ҳамда фуқаронинг аризасига қўйилади ва пропискани расмийлаштирган ходим томонидан имзоланади.

Васийлик (ҳомийлик) белгиланган фуқароларга Қорақалпоғистон Республикаси, вилоятлар ва Тошкент шаҳри прокуратурасига васийлик (ҳомийлик) белгилаш тўғрисидаги қарорнинг қонунийлигини ўрганиш учун сўровнома юборилади.

Доимий пропискани бўлган фуқароларнинг паспортига, шунингдек Рўйхатнинг 1, 4, 6, 7 ва 8-бандларига мувофиқ Тошкент шаҳри ва Тошкент вилоятида доимий прописка қилинган фуқаролар паспортига мазкур Йўриқноманинг 8-иловасига мувофиқ штамп қўйилади.

Рўйхатнинг 2, 3, 5, 9 — 12-бандларига мувофиқ Тошкент шаҳри ва Тошкент вилоятида доимий прописка қилинган фуқаролар учун уларнинг паспортларига ва бошқа ҳужжатларига мазкур Йўриқноманинг 9-иловасига мувофиқ штамп қўйилади.

Паспорт олинганда, алмаштирилганда ёки Рўйхатга мувофиқ Тошкент шаҳри ва Тошкент вилоятида доимий прописка қилинган фуқаро қайта прописка қилинганда, мазкур Йўриқноманинг 8 ёки 9-иловаларига мувофиқ тегишли штамп қўйилади.

27. Бошқа минтақалардан келган вояга етмаганларни доимий прописка қилиш улар қайд қилинган ота-оналарининг, васий (ҳомий)ларининг жўнаб кетиш варақаларининг нусхаси асосида, ота-оналарисиз келган ҳолларда эса доимий прописка қилиш аввалги яшаш жойидаги ИИО томонидан туғилганлик ҳақида гувоҳнома асосида берилган жўнаб кетиш варақаси асосида амалга оширилади.

Вояга етмаганлар қайд қилинмаган ёки доимий прописка қилинмаган ҳолларда аввалги яшаш жойи бўйича ТШИИБ ХЧКваФРБнинг ушбу фактни тасдиқловчи маълумотномаси асосида прописка қилинади.

28. Ўзбекистон Республикаси ҳудудидан ташқарида бўлган фуқарога тегишли уй-жой майдонида прописка қилиш учун унинг Ўзбекистон Республикаси қонун ҳужжатларига мувофиқ нотариал тартибда тасдиқланган розилиги талаб этилади.

Фуқаро «Фуқаролик, оилавий ва жиной ишлар бўйича ҳуқуқий ёрдам ва ҳуқуқий муносабатлар тўғрисида»ги Конвенцияга (1993 йил 22 январь, Минск) аъзо-давлатлар ҳудудида, шунингдек Ўзбекистон Республикаси билан расмий ҳужжатларни легаллаштириш талабини бекор қилувчи икки томонлама халқаро шартнома тузилган давлатлар ҳудудида бўлган тақдир-

да, унинг розилиги тегишли давлат қонунчилигига мувофиқ тасдиқланиши мумкин.

Фуқаро Хорижий расмий ҳужжатларни легаллаштириш талабини бекор қилувчи Конвенцияга (Гаага, 1961 йил 5 октябрь) аъзо-давлат ҳудудида бўлганда, унинг розилиги ушбу Конвенция талабларига мувофиқ апостиль белгиси орқали тасдиқланиши мумкин.

29. Такдим этилган ҳужжатларда ишончсиз ва ҳақиқатга мувофиқ бўлмаган маълумотлар аниқланган тақдирда, шунингдек Тошкент шаҳрида ва Тошкент вилоятида доимий пропискага эга бўлиш учун асос бўлган ҳужжатлар қалбакилаштирилган тақдирда доимий прописка ИИО томонидан бекор қилинади, кейинчалик материаллар тергов органларига юборилади.

Бунда, пропискани бекор қилиш сабаблари ва қўрилаётган чоралар кўрсатилган тегишли хулоса қабул қилинади ва ТШИИБ ХЧКваФРБ раҳбари томонидан тасдиқланади.

30. Доимий пропискани расмийлаштирган ёки бекор қилган ТШИИБ ХЧКваФРБ ҳафтасига икки марта жўнаб кетиш ва келиш тўғрисидаги варақларни Тошкент шаҳар ИИББ Манзил маълумотлар бюросига юбориб туриши шарт.

ТШИИБ ХЧКваФРБ томонидан жўнаб кетиш ва келиш тўғрисидаги варақлар билан бир вақтда бир нусхада статистика ҳисоби талони тайёрланади (фуқаро бошқа минтақадан прописка қилинганда, шунингдек бошқа минтақага прописка қилинганда) ҳамда камида ойда бир марта ҳудудий статистика органларига юборилади.

31. «Умумий ҳарбий мажбурият ва ҳарбий хизмат тўғрисида»ги Ўзбекистон Республикаси Қонунининг (Ўзбекистон Республикаси Олий Мажлисининг Ахборотномаси, 2002 й., 12-сон, 217-модда) 45-моддасига кўра ҳарбий хизматга мажбурлар ва чақирилувчиларнинг ҳарбий-ҳисоб ҳужжатларида улар ҳарбий рўйхатга олинганлиги ёки ундан чиқарилганлиги тўғрисида мудофаа ишлари органларининг белгиси бўлган тақдирдагина уларни турар жойлари бўйича қайд этиш ва рўйхатдан чиқариш амалга оширилади.

32. Прописка қилиш (пропискадан чиқариш) учун асос бўлган ҳужжатлар номенклатура бўйича йиғма жилдларига тикилади. Прописка қилиш (пропискадан чиқариш) тўғрисидаги аризаларга прописка қилиш (пропискадан чиқариш) штаппи, санаси ва прописка қилишни (пропискадан чиқаришни) амалга оширган ходимнинг имзоси қўйилади. Прописка қилиш (пропискадан чиқариш) учун асос бўлган ҳужжатлар ТШИИБ ХЧКваФРБда беш йил давомида сақланади.

33. Тошкент шаҳрида ва Тошкент вилоятида доимий истиқомат қилган ва Ўзбекистон Республикасининг бошқа минтақаларига ёки хорижга чиқиб кетган фуқаролар, турли сабабларга кўра кетган жойлари бўйича прописка қилинмаган ҳамда бир йил ичида Ўзбекистон Республикаси Ички ишлар вазирлиги томонидан белгиланган шаклдаги жўнаб кетиш варағи билан қайтиб келган тақдирда, Тошкент шаҳрида ва Тошкент вилоятида умумий асосларда доимий прописка қилинади.

34. Фуқароларнинг Тошкент шаҳрида ва Тошкент вилоятида доимий прописка қилиш тўғрисидаги аризалари мазкур Йўриқноманинг 10-иловасига мувофиқ шаклдаги махсус журналда қайд қилинади ҳамда асос бўлган ҳужжатлар билан алоҳида йиғма жилдларга тикилади.

35. Доимий прописка қилиш рад этилган фуқароларнинг аризалари ТШИИБ девонхонасида фуқароларнинг шикоят ва аризалари йиғма жилдига тикилади.

### III боб. Яқуний қоидалар

36. Мазкур Йўриқнома талаблари бажарилиши устидан назорат ИИО томонидан амалга оширилади.

37. Давлат ҳокимияти органлари, давлат ва хўжалик бошқаруви органлари, республика аҳамиятига молик бошқа давлат ташкилотлари раҳбарлари доимий прописка қилиш бўйича ИИОга юбориладиган ҳужжатларнинг ҳақиқийлиги ва ишончилиги учун қонун ҳужжатларида белгиланган тартибда жавобгар бўлади.

38. Турар жой бўлмаган биноларга фуқароларни доимий прописка қилишни расмийлаштириш тақиқланади.

39. Тошкент шаҳрида ва Тошкент вилоятида доимий пропискага эга бўлмаган фуқароларнинг яшаши учун турар жой майдони тақдим этадиган уй-жой мулкдорлари турар жой майдони берилган кундан бошлаб беш кун мобайнида ушбу шахслар тўғрисида ИИОни хабардор қилиши шарт.

40. Мазкур Йўриқнома талабларини бузган ИИО ходимлари қонун ҳужжатларида белгиланган тартибда жавобгар бўлади.

41. Доимий прописка қилинган фуқаролар тўғрисидаги маълумотлар ҳар ой умумлаштирилади ва мазкур Йўриқноманинг 11, 12 ва 13-иловаларига мувофиқ шаклда Ўзбекистон Республикаси Ички ишлар вазирлиги Хорижга чиқиш-келиш ва фуқароликни расмийлаштириш бошқармасига юборилади.

42. Мазкур Йўриқнома Ўзбекистон Республикаси Миллий хавфсизлик хизмати, Бош прокуратураси ва Ташқи ишлар вазирлиги билан келишилган.

*Миллий хавфсизлик  
хизмати раиси*

**Р. ИНОЯТОВ**

*2012 йил 27 апрель*

*Бош прокурор*

**Р. ҚОДИРОВ**

*2012 йил 27 апрель*

*Ташқи ишлар вазири*

**А. КОМИЛОВ**

*2012 йил 27 апрель*

19 (519)-сон

— 19 —

210-модда

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
1-ИЛОВА

(раҳбар резолюцияси, имзоси ва санаси)

ТШИИБ ХЧКваФРБ бошлиғига

**Доимий прописка қилиш тўғрисида  
АРИЗА**

Фамилияси \_\_\_\_\_  
Исми \_\_\_\_\_ Отасининг исми \_\_\_\_\_  
Туғилган санаси \_\_\_\_\_ Туғилган жойи \_\_\_\_\_  
Қаердан келди \_\_\_\_\_  
(минтақа номи)

Келиш мақсади \_\_\_\_\_  
(ўз уй-жойи, қариндошларга, васий (ҳомий)га, оилалар бирлашуви, ишга ва б.)

Қуйидаги манзил бўйича пропискага қўйишни сўрайман \_\_\_\_\_  
туман (шаҳар), \_\_\_\_\_ кўча \_\_\_\_\_ (квартал) \_\_\_\_\_ уй, \_\_\_\_\_ корпус  
\_\_\_\_\_ хонадон.

Турар жой \_\_\_\_\_ томонидан берилди.  
(уй-жой мулкдори Ф.И.О. ёки уй-жой берган ташкилот номи)

Бир вақтни ўзида мен билан қуйидаги оила аъзоларимни пропискага  
қўйишни сўрайман:

Қариндошлик даражаси	Ф.И.О.	Туғилган йили ва жойи	Қаердан келди

Ариза берувчи ёки вакилнинг Ф.И.О. \_\_\_\_\_

Имзо \_\_\_\_\_ 20\_\_ йил «\_\_» \_\_\_\_\_

Изох: ариза берувчи учун ишончли вакиллар, вояга етмаганлар учун эса  
ота-оналар, васий (ҳомий)лар вакил ҳисобланади.

210-модда

— 20 —

19 (519)-сон

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
2-ИЛОВА

### ТИЛХАТ

Мен, \_\_\_\_\_  
(Ф.И.О.)

шуни тасдиқлайманки, менинг эрим (хотиним), ота-онам, шунингдек фарзандларим йўқ.

Ушбу маълумотлар ҳақиқий бўлмаганда, мен қонун ҳужжатларига мувофиқ жавобгарликка тортилишим ҳамда доимий прописка бекор қилиниши ҳақида огоҳлантирилдим.

20 йил «\_\_\_» \_\_\_\_\_  
(ариза берувчи имзоси)

Тилхатни олди \_\_\_\_\_  
(масъул ходимнинг Ф.И.О., лавозими)

20\_\_ йил «\_\_\_» \_\_\_\_\_  
(имзо)



19 (519)-сон

— 21 —

210-модда

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
3-ИЛОВА

\_\_\_\_\_ ТШИИБ ХЧКваФРБга

### М А Ё Л У М О Т Н О М А

Берилди ушбу маълумотнома шу ҳақдаки, \_\_\_\_ йил «\_\_» \_\_\_\_\_ да  
туғилган фуқаро \_\_\_\_\_  
(Ф.И.О.)

ва \_\_\_\_ йил «\_\_» \_\_\_\_\_ да туғилган фуқаро \_\_\_\_\_  
(Ф.И.О.)

қуйидаги манзил бўйича \_\_\_\_\_  
\_\_\_\_ йил «\_\_» \_\_\_\_\_ дан \_\_\_\_ йил «\_\_» \_\_\_\_\_ гача  
биргаликда яшаб келмоқда.

\_\_\_\_\_ раиси \_\_\_\_\_  
(фуқароларнинг ўзини ўзи бошқариш органи номи) (Ф.И.О.)

М.Ў. (имзо)

20\_\_ йил «\_\_» \_\_\_\_\_

\_\_\_\_-сон Милиция таянч пункти

профилактика

(катта) инспектори \_\_\_\_\_

(Ф.И.О., унвони)

М.Ў.

(имзо)

20\_\_ йил «\_\_» \_\_\_\_\_

210-модда

— 22 —

19 (519)-сон

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
4-ИЛОВА

Чиқиш рақами \_\_\_\_\_-сон

20 йил «\_\_\_» \_\_\_\_\_

\_\_\_\_\_

(туман, шаҳар номи)

\_\_\_\_\_

(давлат нотариал идораси номи)

## М А Ё Л У М О Т Н О М А

Фуқаро \_\_\_\_\_

(Ф.И.О., туғилган санаси)

«Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонуни билан тасдиқланган Рўйхатнинг 8-бандига мувофиқ Тошкент шаҳри ва Тошкент вилоятида доимий прописка қилиниши лозим бўлган фуқаролар тоифасига киради.

Турар жойга эга бўлгандан кейин Тошкент шаҳри ва Тошкент вилоятида доимий прописка қилинади.

Имзо

М.Ў. \_\_\_\_\_

(\_\_\_\_\_ ТШИИБ ХЧКваФРБ бошлиғи Ф.И.О., унвони)

19 (519)-сон

— 23 —

210-модда

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
5-ИЛОВА

Чиқиш рақами \_\_\_\_\_-сон

20\_\_ йил «\_\_» \_\_\_\_\_

Фуқаро \_\_\_\_\_

(Ф.И.О., туғилган санаси)

Сиз «Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонуни билан тасдиқланган Рўйхатнинг 8-бандига мувофиқ Тошкент шаҳри ва Тошкент вилоятида доимий прописка қилиниши лозим бўлган фуқаролар тоифасига кирасиз.

Бу ҳақда \_\_\_\_\_ давлат нотариал идорасига 20\_\_ йил «\_\_» \_\_\_\_\_даги \_\_\_\_\_-сонли хат билан маълумот берилди.

Имзо

М.Ў. \_\_\_\_\_

(\_\_\_\_\_ ТШИИБ ХЧҚваФРБ бошлиғи Ф.И.О., унвони)

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
6-ИЛОВА

### ИЛТИМОСНОМА

Фуқаро \_\_\_\_\_  
Ўзбекистон Республикаси \_\_\_\_\_га  
(давлат органи ёки ташкилоти номи)

\_\_\_\_\_ лавозимга ишга қабул қилинган  
(тайинланган)лиги сабабли «Тошкент шаҳри ва Тошкент вилоятида доимий  
прописка қилиниши лозим бўлган шахслар — Ўзбекистон Республикаси  
фуқаролари тоифаларининг рўйхати тўғрисида»ги Ўзбекистон Республика-  
си Қонуни билан тасдиқланган Рўйхатнинг 11-бандига мувофиқ ушбу фуқа-  
рони \_\_\_\_\_ да доимий прописка қилинишини сўраймиз.  
(Тошкент шаҳри ёки Тошкент вилояти)

Фуқаро \_\_\_\_\_ ишонч-  
лилигига кафолат берамиз.

Илова: \_\_\_\_\_ варақда.

Раҳбар \_\_\_\_\_  
(ф.и.о.)

Имзо

М.Ў.

20\_\_ йил «\_\_» \_\_\_\_\_

19 (519)-сон

— 25 —

210-модда

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
7-ИЛОВА

«ТАСДИҚЛАЙМАН»

\_\_\_\_\_ ТШИИБ бошлиғи

\_\_\_\_\_ (унвони, Ф.И.О.)

### ХУЛОСА

Мен \_\_\_\_\_  
(ХЧКваФРБ ходими Ф.И.О., лавозими, унвони)

«Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонуни билан тасдиқланган Рўйхатнинг \_\_\_\_\_-бандига асосан қуйидаги манзил бўйича доимий прописка қилинган, \_\_\_\_\_  
(яшаш манзили)

Фуқаро \_\_\_\_\_ га нисбатан  
(Ф.И.О.)  
материалларни кўриб чиқиб \_\_\_\_\_,  
(пропискани бекор қилиш тўғрисида ташкилот хатининг рақами, санаси)

### Лозим топдим

\_\_\_\_\_ бўйича прописка қилинган,  
(яшаш манзили)  
муқаддам \_\_\_\_\_ да ишлаган,  
(ташкилот номи)  
фуқаро \_\_\_\_\_ нинг  
(Ф.И.О.)  
доимий пропискاسи бекор қилинишини \_\_\_\_\_  
(сабаби, меҳнат шартномаси бекор қилиниши кўрсатилади)  
жўнаб кетиш варақаси Тошкент шаҳар ИИББ ММБга, бир вақтнинг ўзида илгари яшаган жойи бўйича \_\_\_\_\_ ТШИИБ ХЧКваФРБга билдиришнома юборилишини.

20\_\_ йил «\_\_» \_\_\_\_\_  
(имзо) (ходимнинг Ф.И.О., лавозими, унвони)

20\_\_ йил «\_\_» \_\_\_\_\_  
(имзо) (ХЧКваФРБ бошлиғининг Ф.И.О., унвони)

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
8-ИЛОВА

**Доимий пропискиси бўлган фуқароларнинг паспортига,  
шунингдек «Тошкент шаҳри ва Тошкент вилоятида доимий  
прописка қилиниши лозим бўлган шахслар — Ўзбекистон  
Республикаси фуқаролари тоифаларининг рўйхати тўғрисида»ги  
Ўзбекистон Республикаси Қонуни билан тасдиқланган  
Рўйхатнинг 1, 4, 6, 7 ва 8-бандларига тўғри келадиган  
фуқаролар учун доимий прописка штампи  
НАМУНАСИ**

Toshkent shahar Mirzo Ulug'bek tumani ИИБ	
DOIMIY PROPISKA QILINDI	
_____ ko'cha (daha) si _____ uy _____ xonadon	
« _____ » _____ yil _____	
M.I.	(imzo)

*Штамп ўлчами 60 x 30 мм*

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
9-ИЛОВА

**«Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонуни билан тасдиқланган Рўйхатнинг 2, 3, 5 ва 9 — 12-бандларига тўғри келадиган фуқаролар учун доимий прописка штампи НАМУНАСИ**

Toshkent shahar Mirzo Ulug'bek tumani IIB Ro'yxatning 2, 3, 5, 9 — 12-bandlariga asosan	
DOIMIY PROPISKA QILINDI	
_____ ko'cha (daha) si _____ uy _____ xonadon	
« _____ » _____ yil _____	(imzo)
M.J.	

*Штамп ўлчами 60 x 30 мм*

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
10-ИЛОВА

210-модда

**Тошкент шаҳри ва Тошкент вилоятида доимий прописка қилиш тўғрисида  
Ўзбекистон Республикаси фуқароларининг аризаларини рўйхатга олиш  
ЖУРНАЛИ**

Т/р	«Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонуни билан тасдиқланган Рўйхат банди ва санаси	Ф.И.О.	Туғилган санаси	Қаердан келди	Оила аъзолари сони	Илтимоснома берган орган ёки ташкилот номи	Қабул қилинган қарор ва Рўйхатнинг банди	Доимий прописка манзили

— 28 —

19 (519)-сон



Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
11-ИЛОВА

«Тошкент шаҳри ва Тошкент вилоятида доимий прописка қилиниши  
лозим бўлган шахслар — Ўзбекистон Республикаси фуқаролари  
тоифаларининг рўйхати тўғрисида»ги Ўзбекистон Республикаси  
Қонунига кўра прописка қилинганлар сони ва 20\_\_ йил \_\_ ойига  
қадар бекор қилинган прописклар тўғрисида  
МАЪЛУМОТ

Қабул қилинган қарор		Туман (шаҳар) номи											жами	
1-тоифа	рухсат берилди													0
	бекор қилинган													0
2-тоифа	рухсат берилди													0
	бекор қилинган													0
3-тоифа	рухсат берилди													0
	бекор қилинган													0
4-тоифа	рухсат берилди													0
	бекор қилинган													0
5-тоифа	рухсат берилди													0
	бекор қилинган													0
6-тоифа	рухсат берилди													0
	бекор қилинган													0
7-тоифа	рухсат берилди													0
	бекор қилинган													0
8-тоифа	рухсат берилди													0
	бекор қилинган													0
9-тоифа	рухсат берилди													0
	бекор қилинган													0
10-тоифа	рухсат берилди													0
	бекор қилинган													0
11-тоифа	рухсат берилди													0
	бекор қилинган													0
12-тоифа	рухсат берилди													0
	бекор қилинган													0
жами	рухсат берилди	0	0	0	0	0	0	0	0	0	0	0	0	0
	бекор қилинган	0	0	0	0	0	0	0	0	0	0	0	0	0

Ўзбекистон Республикаси фуқароларини Тошкент шаҳри ва Тошкент вилоятида доимий прописка қилиш тартиби тўғрисидаги йўриқномага 12-ИЛОВА

**«Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонунига кўра 20\_\_ йил \_\_ ойга қадар прописка қилинганларнинг жинси ва ёши тўғрисида МАЪЛУМОТЛАР**

Қонун бандлари бўйича шахслар тоифаси	Қаердан келган														жами	
	Қорақалпоғистон Республикаси	Андижон	Бухоро	Жиззах	Навой	Наманган	Сирдарё	Сурхондарё	Самарқанд	Фарғона	Хоразм	Қашқадарё	Тошкент ш. / Тошкент вил.	Хорижий давлатлардан		
1-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0
2-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0
3-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0

Қонун бандлари бўйича шахслар тоифаси		Қаердан келган													жами	
		Қорақалпоғистон Республикаси	Андижон	Бухоро	Жиззах	Наввий	Наманган	Сирдарё	Сурхондарё	Самарқанд	Фарғона	Хоразм	Қашқадарё	Тошкент ш. / Тошкент вил.		Хорижий давлатлардан
4-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0
5-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0
6-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0
7-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0
8-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0

Қонун бандлари бўйича шахслар тоифаси		Қаердан келган														жами
		Қорақалпоғистон Республикаси	Андижон	Бухоро	Жиззах	Навойй	Наманган	Сирдарё	Сурхондарё	Самарқанд	Фарғона	Хоразм	Қашқадарё	Тошкент ш. / Тошкент вил.	Хорижий давлатлардан	
9-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0
10-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0
11-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0
12-тоифа	шундан	0	0	0	0	0	0	0	0	0	0	0	0	0	0	0
	эркак	0														0
	аёл	0														0
	вояга етмаган	0														0
	бекор қилинган	0														0
жами	шундан	0	0	0	0	0	0	0	0	0	0	0	0	0	0	0
	эркак	0	0	0	0	0	0	0	0	0	0	0	0	0	0	0
	аёл	0	0	0	0	0	0	0	0	0	0	0	0	0	0	0
	вояга етмаган	0	0	0	0	0	0	0	0	0	0	0	0	0	0	0
	бекор қилинган	0	0	0	0	0	0	0	0	0	0	0	0	0	0	0

Ўзбекистон Республикаси фуқароларини  
Тошкент шаҳри ва Тошкент вилоятида  
доимий прописка қилиш тартиби  
тўғрисидаги йўриқномага  
13-ИЛОВА

**«Тошкент шаҳри ва Тошкент вилоятида доимий прописка қилиниши лозим бўлган шахслар — Ўзбекистон Республикаси фуқаролари тоифаларининг рўйхати тўғрисида»ги Ўзбекистон Республикаси Қонунига кўра 20\_\_ йил \_\_ойга қадар прописка қилинганларнинг миллати бўйича МАЪЛУМОТЛАР**

Миллати	1-тоифа	2-тоифа	3-тоифа	4-тоифа	5-тоифа	6-тоифа	7-тоифа	8-тоифа	9-тоифа	10-тоифа	11-тоифа	12-тоифа	жами
ўзбек													0
қорақалпоқ													0
беларус													0
грек													0
грузин													0
қирғиз													0
қозоқ													0
корейс													0
қрим татар													0
курд													0
латиш													0
литвалик													0
молдован													0
немис													0
озарбайжон													0
рус													0
татар													0
тожик													0
украин													0
уйғур													0
форс													0
арман													0
эстон													0
яхудий													0
бошқа													0
жами	0	0	0	0	0	0	0	0	0	0	0	0	0